

112 年全國語文競賽原住民族語朗讀 【拉阿魯哇語】 高中學生組 編號 3 號

hlipararahla takiaru kingahlangahla murumita

kialangulangua kilaliali takiaru hlipituhluhlaia, ucani vilanganuna
pipakaritukuhla sikilalialia, akuisa ucanihlimiaili malimahlu caihli
tumahlaa, mingutuhlt maupatuhlu caihli mulavaa, ucani hlimiaili usia
hlimiungu masiahlua utulu caihli, ta'iaraisaka taparana kuka pakiapupuhlua,
tarutatukuhlu vungukana, kingahlangahla kipuhlu.

ucani hlimiaili usia hlimiungu malimahlu caihli, marapihli raahli
vilanganu, 'Avina, pakiturucu aliatunula, 'aumu sikungana, minisuacu salua
takiaruna uvura 'uluvu kaluvungana, hlipitai'ahlua 'uluvuna, akuisa
mamacicu, saikuami ilikusu caalu palungu kiu'u hla hlikikirimisaka
cucumuvavilihli, kupaituahluisana, ihlaila
hliparangahlu marahlupuatakiaku hla'aluana.

marapihli cucutahlana vilanganuna, kuka taparana pakipuhlu
vungukana, pahluaili pakingahlangahla sikilaliali takiaruna, minisua
psatatahlaumu tumahlaa cucutahlana maru sala'a hla cacalaisa, salia hla
tu'u, taratuahlu arihlaa takiaru, avurisa 'uluvu Pa'una pi'ahlingu putuhluhlu,
kani'inaia ihlaila hlimaruka takiaru, ihlaila marapihli cucutahlanaka

musuatatahlaumu hla tumatitimahla pahlua sasahli, tumimahla takiaruna,
minisuacu muluvu vahliungu sahlinu, puailimiararuma.

akuisa maci'ia 'uluvu Pa'una rumahlaa, uka'acua cucu'u matialuisana
taku'i'iaru takiaruna, sa, aritiuma mamaina ahlalua aariaari hla maiatuhluhlu
ulavaisa mamaisa, ahlaluana kutuahlu muhlusuhlu, maiatuhluhluisana,
turuaisa usumanu kuarumuku munua, savuracu alimuisa pakisia'a,
sarikakua 雲林 tasamiangua, pakitura sipakia pakisia'ana umupangu, kani'i
ia siamupapuahluisaka, takiaru hla'aluana marahlupu.

apahlavatakia runarumahlu minisuacua alalamurua muvavilihli,
patacungucunguhlu macarumu, marahliahli mamamaci, amihla cucutahlana
pi hliariakuanu, kupaivacavacanguisaana umapangu ahla puatusuisana,
miungu arinani, sikilalialia, takiaruna, hlipativaruacu ausi takiaruna, sapisa
hla kucu ausi takiaru kiariarinai, manganu 'uluvuisa

112 年全國語文競賽原住民族語朗讀 【拉阿魯哇語】高中學生組 編號 3 號

神奇聖貝的再現

祭拜聖貝是重要的儀式，相傳是屬美壟社特有之祭儀。1950 年代後便中斷逾三十年之久，至 1993 年因應國家劇院展演得以重現。

1950 年代，美壟社頭目鄧光華改信基督教，將聖貝交給桃源村巫師。該巫師過世前，交代將聖貝藏於後山樹頭，後人遍尋不著，拉族人第一次失去聖貝。

美壟社人為國家劇院邀約，重新回憶聖貝祭儀式，並進行練習。多位族人在路上、室內桌上發現來路不明的貝殼，交給巫師 Pa'u。巫師通靈後，這些就是失去的聖貝，認為應是族人練習聖貝祭儀歌謠，貝神聽到召喚，循著音樂返回部落。

巫師 Pa'u 過世後，其職後繼無人，聖貝由長子每日奉祀。但該長子無法繼續祭祀，其他兄弟亦無意願，遂交由妹婿帶往雲林廟宇，比照漢人習俗供奉。拉族人第二次失去貝神迄今。

聖貝走後，其子尚值青壯年卻相繼因病、意外過世。族人謠傳與無端送走貝神有關。現今聖貝祭使用的聖貝是相似的貝殼，已非過往具有神力的聖貝。